


2390



BOSNA I HERCEGOVINA  
 Federacija Bosne i Hercegovine  
 Kanton Sarajevo  
 Grad Sarajevo  
**OPĆINA NOVI GRAD SARAJEVO**  
**- OPĆINSKI NAČELNIK -**  
**Služba za investicije i komunalne poslove**

Broj: 02/08-23- 3854 /19 NT  
 Sarajevo, 27.08.2019. godine

Kantona Sarajevo  
 Skupština Kantona Sarajevo  
 ul. Reisa Džemaludina Čauševića 1  
 Sarajevo

Bosna i Hercegovina  
 Federacija Bosne i Hercegovine  
**KANTON SARAJEVO**

LIŠNO: -2-09-7113			
Samizacijna jedinica	Klasifikacioni broj	Broj	Broj priloga
01	05	28145-51	131

13

**PREDMET: Odgovor na inicijativu zastupnika Zvonka Marića**

Shodno Vašem aktu br. 01-05-28145-51/19 od 24.07.2019. godine koji se odnosi na inicijativu / pitanje zastupnika u Skupštini Kantona Sarajevo, Zvonka Marića dostavljamo Vam odgovor:

1. U naselju Zabrđe ne postoji izgrađen centralni kanalizacioni sistem koji podrazumjeva **objekte i postrojenja** za odvođenje prikupljenih otpadnih voda i **uređaj za prečišćavanje otpadnih voda** koji čini jedinstvenu funkcionalnu cjelinu.

Osnovni preduslov za izgradnju separatne kanalizacione mreže je izgradnja Prečistača otpadnih voda na ovom području. Geografski položaja naselja Zabrđe, Rajlovca, Dobroševića, Rječice i dijela Sokolja u kojem živi cca 40.000 stanovnika je niži od kote terena na kojoj se nalazi centralni prečistač otpadnih voda u Butilama tako da ne postoji mogućnost gravitacionog vođenja otpadnih voda iz ovih naselja do prečistača na Butilama.


Izgradnja Prečistača i njegovo održavanje je višemilionska investicija i u nadležnosti je Kantona Sarajevo. Izgradnja separatne kanalizacione mreže bez izgrađenog Prečistača nema nikakvu funkciju i Zakonom je zabranjena.

2. **Prema Članu 40. Uredbe o opštim uslovima za snabdijevanje vodom za piće, obradu i odvođenje otpadnih i atmosferskih voda (Službene novine Kantona Sarajevo broj 22/16), u javnu kanalizaciju ne smiju se upuštati otpadne vode koje sadrže štetne i toksične tvari u količinama koje mogu štetno djelovati na zdravlje ljudi, instalacije, građevine i uređaje kanalizacije, te na procese prečišćavanja otpadnih voda i digestije mulja definisane važećim propisima.**

Konstatacija da je zbog neizgrađene kanalizacione mreže u naselju Zabrđe nemoguće nastaviti sa zbrinjavanjem procjednih voda sa deponije Smiljevići je u koliziji sa Uredbom jer se procjedne vode bez obzira na to da li postoji izgrađena kanalizaciona mreža ili ne moraju tretirati i prečistiti na prečistaču procjednih voda iz tijela deponije u krugu deponije Smiljevići i tek tako tretirane i prečišćene otpadne vode smiju se upustiti u otvorene vodotoke ili u oborinsku kanalizaciju.

Prečistač procjednih voda iz tijela deponije koji se nalazi u krugu deponije „Smiljevići“ nije u funkciji od 2014. Godine, od kada se neprečišćene (toksične) vode ispuštaju u otvoreni vodotok Lepenički potok i direktno ulijevaju u rijeku Bosnu (vodotok I kategorije) čime se krši gore navedena Uredba i ugrožava zdravlje stanovnika naselja Zabrđe, Rajlovca, Reljeva kao i uništavanje biljnog i životinjskog svijeta u rijeci Bosni.

3. Ministarstvo okoliša i turizma F BiH izdalo je Okolinsku dozvolu: broj 23-5-235-7/11 SN 17.06.2013. godine KJKP „Rad“-u doo Sarajevo koje upravlja Deponijom „Smiljevići“ sa rokom važenja od 5 godina. Navedena okolinska dozvola istekla je 17.06.2018. godine.



- Detaljnije informacije o razlozima nedobijanja okolinske dozvole od Ministarstva okoliša i turizma R BiH nakon njenog isteka u junu 2018 godine možete dobiti od KJKP „Rad” doo Sarajevo i Operativnog tima za sanaciju Deponije „Smiljevići” koji djeluje u saradnji sa Zavodom za izgradnju KS i Ministarstvom za prostorno uređenje, građenje i zaštitu okoliša Kantona Sarajevo.
4. Općina Novi Grad Sarajevo kontinuirano svake godine izdvaja znatna materijalna sredstva za izgradnju separatne kanalizacione mreže a u toku 2019 godine vrši se izgradnja u 10 novogradskih ulica. Izgradnja iste bit će prvi prioritet i u naselju Zabrđe nakon što Kanton Sarajevo izgradi Prečistač otpadnih voda za ovo područje Kantona koji je Zakonski preduslov za izgradnju kanalizacione mreže. Općina Novi Grad Sarajevo je u više navrata inicirala rješavanje ovog problema prema KJKP “ViK” doo Sarajevo, Ministarstvu prostornog uređenja, građenja i zaštite okoliša KS i Zavodu za planiranje razvoja Kantona Sarajevo dok je Ministarstvo komunalne privrede i infrastrukture KS u saradnji sa partnerima iz Slovenije radilo na pripremi projektnog rješenja ovog problema.

U toku izrade Kantonalnog plana zaštite okoliša Kantona Sarajevo (KEAP) koji je izrađen 2017 godine na inicijativu Općine Novi Grad Sarajevo u Akcioni plan pod tačkom 2.2.1.6 uvrštena je “Izrada tehničke dokumentacije (na nivou Glavnog projekta sa inoviranim podacima prema monitoringu iz 2017. godine) i izgradnja primarnog kolektora za odvodnju otpadnih voda sa deponije Smiljevići i sa lokaliteta naselja Zabrđe – Rajlovac (sa opcijom konačne dispozicije otpadnih voda na PPOV u Butilama a za čiju implementaciju su zaduženi KJKP “ViK” doo Sarajevo, MKPiH KS, ZzPR KS i Općina Novi Grad Sarajevo a potrebna sredstva su planirana iz Budžeta KS, Općine Novi Grad Sarajevo, FzZO FBiH i Međunarodnih fondova.

Općina će i u narednom periodu u saradnji sa nadležnim kantonalnim institucijama inicirati rješavanje problema izgradnje Prečistača na području Rajlovca ili Reljeva kao i na izgradnji separatne kanalizacione mreže na ovom području.

5. Prema članu 43. Uredbe o opštim uslovima za snabdijevanje vodom za piće, obradu i odvođenje otpadnih i atmosferskih voda (Službene novine Kantona Sarajevo broj 22/16) u urbanim i neurbanim područjima gdje nema kanalizacionog sistema, a omogućeno je snabdijevanje vodom putem vodovodnog sistema, odvođenje otpadnih voda se vrši u vodonepropusne septičke jame (sabirne) kao posebnom izgrađenom objektu unutrašnje kanalizacije. Legalizacija bespravno izgrađenih objekata u naselju Zabrđe kojem je omogućeno snabdijevanje vodom za piće putem vodovodnog Sistema kojim upravlja KJKP “Vodovod i kanalizacija “ doo Sarajevo vrši se u skladu sa Regulacionim planom “Zabrđe” uz obavezu izgradnje vodonepropusnih septičkih jama koje čine sastavni dio kanalizacije objekta. Nakon izgradnje kanalizacionog sistema (prečistač i separatna kanalizaciona mreža ) objekti u naselju Zabrđe imat će mogućnost priključka na javnu kanalizacionu mrežu.

Prilog: Dopis broj 01-05-28145/19 od 24.07.2019.godine

S poštovanjem,

Obradila: Namira Tanković, dipl.ing.grad [redacted]

Kontrolisao: Kenan Bukva, dipl.ing.saobr.  
Šef Odsjeka za komunalne poslove  
i zaštitu okoliša [redacted]



Po ovlaštenju Općinskog načelnika  
Pomoćnik općinskog načelnika

Senka Garić, dipl.ing.grad [redacted]

- Dostaviti:
1. Naslovu
  2. U spis